



Nuuk 13.12.2011

### **Inatsisartut Suleriaasianni § 37 malillugu matumuuna Naalackersuisunut imak apeqquteqaateqarpunga:**

(Aqqaluaq B. Egede, Inuit Ataqatigiit)

#### **Apeqqutit:**

1. Matumuuna Naalackersuisunut apeqquteqaatit ingerlatippara, qangaanusoq kalaallit meeqqat nunatsinniit danskit naalagaaffiannut nuutinneqarsimasut pillugit Naalackersuisut qanoq suliniuteqarsimanerminnik nassuiaateqarsinnaanersut?
2. Naalackersuisut isumaqataappat nunatta inuisalu siuarsarneqarnissaat siunertaralugu meeqqat angajoqqaaminniit qimagutsillugit danskit nunaannut aallarunneqarsimasut utoqqatserfigineqarnissaat siunertaralugu sakkortusisamik suliniartoqassappat?
3. Meeqqat angajoqqaatik qimallugit aallartitaasimanerat inuit pisinnaatitaaffiannik, qanoq oqaaseqartuunerannik, kulturiannik inuunermilu sunik pingaartitaqarlutik kinaassuseqarnissaannik annertuumik allannguisimasoq suliassaavoq pingaarutilik. Tamanna suliassaq Naalackersuisut qanoq ingerlatilersaarpat?
4. Danskit Naalackersuisui peqatigalugit oqaloqatigiinnerit ingerlanneqarsimappata, suliap killiffia qanoq inissisimava?
5. Meeqqat angajoqqaatik qimallugit nuutitaasimanerat pillugu suliassaq danskit nunattalu naalackersuinikkut isumaqatigiissutigisinnaanngippasuk, Naalackersuisut tunngavissaqarsoraat suliassaq eqqartuussivimmut ingerlateqqissallugu?
6. Tamanna pissanngippat suliassap naammassineqarnissaa siunertaralugu Naalackersuisut qanoq iliuuseqalersaarpat?

#### **Tunngavilersuut**

Isumaqarpunga naalagaaffeqatigiittut oqaluttuarisaanitta ineriartorsimaneq eqqarsaatigalugu, pingaaruteqarluinnartumik suliassaq inissisimasoq. Meeqqat angajoqqaatik qimallugit nunatsinniit nuutitaasimasut, tassaapput nunap

siuarsarnejarnissaa siunertaralugu pilliutaasimasutut oqaatigineqarsinnaasut. Taamanikkut inuit allat qanoq atugaqarlutik inuunerminnik atugassarisaannit allaanerusumik pineqarlutik inuunerminnik ingerlatsisariaqalersimasut. Tamanna naalagaaffiup naalackersuinikkut suliassaannut ilaavoq qassupiinnagassaangitsoq, inissavimminut naammassillugu inissinneqartariaqartoq. Namminiilivinnissarput angussavarput suliassat tamaasa naammassisimallugit. Danskit nunattalu naalackersuinikkut kukkussutigisimasinnaasaat tamaasa naammassinnaasariaqarpavut. Isumaqatigiinngissutivut suliarisimanagit namminiilivissanngilagut. Namminiilivissaagut suliassat pingaarutilissuit tamaasa naammassisimallugit, pingaartumik inuit kinaassusaannut pitsaanngitsumik sunniuteqarsimasut pineqarpata.